

醫方類聚卷之二百一十

婦人門 五

調經 五

永類鈐方

月候不調

熟乾地黄元治婦人風虛勞冷胃弱水谷不

化或腸虛受冷大便時泄或月水不調或淋

瀝或閉斷結聚癥瘕久不成胎壹切諸虛

通治



南嶽魏夫人濟陰丹治血海虛冷久無孕育
及數墮胎經候不調崩漏積聚諸証方見通
治及求
嗣

紫石英元治子宮久冷不成孕育數經墮胎

月候不勻崩漏滯帶癥瘕並宜服方見
求嗣

禹餘糧元治氣血虛損月水不調赤白帶下

漸成崩漏方見聖
惠方

椒紅元治血氣不調藏腑積冷臍腹疝痛肌
體日瘦

沉香 莪朮 訶子煨肉各
乙兩 射香壹分
別研 肉

豆寇 丁香 高良姜各半
兩 椒紅 當歸

白朮 附子炮各
壹兩

右爲末入射酒糊元梧子大每三十元溫
酒下

室女經閉成勞證治

御藥院六神湯治血氣不足肌體煩熱倦怠
四物湯加地骨皮黃芪各等分咬咀水煎
又治衝任虛損月水不行肌膚發熱如瘰

狀四物湯各乙兩柴胡半兩黃芩乙分水煎

崩中赤白二帶有熱有冷以脉證審用

下藥附崩中漏下白濁白淫

温經湯治女人曾經小產或帶下三十六病

腹脹口乾旦暮發熱方見和劑局方

和劑震靈丹治崩中下血不止或脉虛細手

足或冷以芎歸湯加木香煎送下或陣艾

香附子煎湯下三元或靈砂丹兼治暴驚

風九竅出血獨參湯下

直指半夏元治下血吐血崩中帶下痰喘急

滿虛腫亦消宿瘀百病

圓白半夏刮淨搥扁姜汁調飛白麵作餅包炙黃色去麩取半夏作末

右米糊元菜豆大每四十元温熱水下芎

歸湯沉香降氣湯各半煎送下止血之要

藥

神仙聚寶丹治血海虛寒外乘風冷搏結不

散積聚成塊血氣攻疰疼痛崩中帶下

沒藥 琥珀 各一兩 別研 辰砂 壹錢 別研 木香 煨取末一

兩 滴乳 別研 壹分 當歸 洗焙取末乙兩 麝香 別研 乙錢

右研細合勻滴水為元每一兩作十五元

每乙元溫酒磨下一切難產及產後敗血

冲心惡露未盡並入童子小便

補宮元治諸虛不足久不妊娠骨熱形羸崩

中漏下

鹿角霜 白朮 白茯苓 白芷 白薇

山藥 白芍藥 牡蠣 煨 烏賊骨

右各等分為末麪糊元梧子大每五十元
米飲空心送下

和劑金鎖正元丹 方見大方科 治婦人心腎水

火不交思慮大過陰陽不分白濁白淫思

則傷脾宜用四七湯 方見大方科 咳嗽 吞白元子 方見大方

科諸風門 極能分利

又清心蓮子飲打和膠艾湯治赤帶下此又

清心也可加竹瀝地黃汁少許

經驗簡要治崩中等證 冷者脉緊細手足

寒紅去淡黑或五色 當歸建中湯加白
竜骨血蝎附子下紫石英元好震靈丹灸
火 熱者脉洪四肢温心煩口苦燥血沸
而成用黄芩湯荆芥散或清心蓮子飲加
竹瀝生地黃汁少許甚者生地黃汁磨京
墨百草霜冷服 虛者膠艾湯加麥門冬
鹿茸竜骨酸棗仁或養榮湯加竜骨血蝎
送震靈丹 實者腹中痛煮附元四物湯
加香附子 心虛者恍惚多夢忘舌強小

便多面紅盜汗栢子仁湯酸棗仁湯加龍
骨京墨百草霜吞靈砂丹又靈砂當歸蓮
肉龍骨棗肉元參湯送下崩中作麝香當
歸香者心氣已散急服靈砂龍骨等 有
田婦崩中斷下者用大蕪根酒煎清早服
生麥中如蓬蒿花或云卽薊根也 治白
帶用百草霜壹兩香京墨末半兩打和每
三錢猪肝半掌大批開入藥紙裏熟煨細
嚼酒送下

經驗良方

婦人雜證血氣崩帶諸病

治室女血崩不以冷熱皆可服

荆芥 蓮房殼 等分各燒作灰○壽域神方燒灰存性

右為細末每貳錢 神方叁錢 空心米飲調下

治血崩

椒目 焙為末 蘇子 燒灰各等分

右每服三錢空心用塩酒調下

治血崩陳蘿蔔子炒赤細研一大錢陳皮飲

下中年人弱者用四物湯加茱萸生姜肉

桂

治白崩五月蠶以炒赤煙盡為度研為細末

糯米糊為丸餅子酒或陳米湯下

治婦人經年血崩

香附子 二兩炒赤 蓮殼 五个燒存性

右為細末陳米飯飲調送震靈丹壹十九

一日三五服

治婦人不問老少經血妄行如崩

川椒目

微炒去汗盡放地上出火毒

右為細末用陳米壹勺烏梅半箇煎湯服可安

立効散治血崩及赤白帶下

晚蠶沙

醋浸一宿焙乾秤

當歸

酒浸焙乾

女子頭髮

焙焦

烏龍尾

生薑自然汁浸炒乾各壹兩即久塵灰

舊棕葉

燒存性

兩

右為細末每服二錢熱酒調下

治赤白帶下

石菖蒲

欖子

等分為末

右塩温酒調下

治婦人赤白帶下及尿水不止如崩之狀

芍藥

炒令紫色以紙盛地上出火毒

黃狗頭骨

各二兩燒存性

右為末每服二錢温酒下

治婦人經脉不止日漸黃瘦右紫礪不以多

少為末每服二錢空心湯調下

治婦人漏下臍腹痛久而不止

徐氏胎產方名螺蛳散

烏賊魚骨

一味炒存性

右研令細末每服貳錢煎木賊湯下不時
治婦人經血得熱崩漏不止口舌咽乾腰腹
疼痛用蔓荊子生姜各半兩搗爛炒小酒
煎服

治崩用川芎爲末每服五錢水酒各壹盞同
煎至壹盞熱服立效

治血崩

李秉齊傳已驗

棕毛 垢賦髮

千里馬

卽草鞋後半截

右各燒存性爲細末勿令病者見合此藥

酒調服

蠣粉散治婦人月水不止右用牡蠣火煨成
粉細研再用醞米醋搜成團再煨過通紅
候冷研細却用醞米醋調艾葉末熬成膏
搜和圓如梧桐子大每服肆五十九醋艾
湯下

醫林方

當歸散治婦人赤白帶下

夏枯草 當歸 白芍藥 乾薑 各等分

右爲細末每服三錢食前空心米湯調下
定血散治婦人崩中敗血過多

管仲去毛微炒不以多少爲末

右極細每服三錢酒醋水各壹盞同煎去

滓溫服不計時候○神效名方治血崩管

仲去須或碎或用酒醋煎三錢煎至七分去滓

溫服壹服立止

治婦人赤白帶下

駱皮不以多少燒灰壹兩蒲黃壹兩炒黃色

右爲細末聖效方分作兩服熱酒調下空心食前

壹服見效

治婦人赤白帶下

千年石灰壹兩炒白芷 硫黃各三錢

煎烏雞湯送下空心日進二服

通經丸治婦人經血凝滯不行臍腹腰背疼

痛漸成血瘕

木香半兩當歸半兩芍藥壹兩乾漆半兩炒令煙盡爲度五

苓脂半兩桂半兩廣茂壹兩水蛭二錢半大黃半兩

蠓虫 三十個去頭 桃仁 二十七枚

足翅微炒 右件為細末醋麵糊為丸如桐子大每服

二十九食前溫醋湯下或溫酒下日進一

服

煙霞聖效方

斗門散治婦人血山崩

大胡桃 五介燒煙

盡為度 右為末每服壹錢熱酒調下

壽親養老書

血氣諸方

地黄粥治婦人血氣不調

生地黃汁 二合 粟米 壹合 粳米 壹合 訶黎勒 炮去核為

末半 兩 藍花 少許

右以水三升先煮二米將熟次入訶黎勒

末地黄汁藍花攪勻煮令稀稠得所分二

服

施圓端効方

椒朴丸治婦人血海虛冷臍腹疔痛崩漏赤

白男子腎虛下元久弱臨漳李公方

川椒去目炒出蒼朮去皮酒浸乾薑四兩切

厚朴二兩細切與薑同和炒

右為細末酒糊為丸如梧子大每服三十

丸溫酒送下食前

沒藥散治婦人血氣不調赤白帶下腰腹疼

冷男子膀胱小腸氣痛疝氣沉墜痛悶淨海杜公

信方

香附子炒四兩乾薑壹兩半炮白芍藥 五靈脂

各二兩炒

右為細末每服二錢熱酒調下心疼醋調

下食前日進二服

神仙活血丹治婦人血氣凝滯月信不來日

潮羸瘕鶴壁梁仲安方

當歸焙桂 荆三稜 木香 川山甲炮

鯉魚鱗 蒲黃 芍藥各壹兩水蛭剉石炒 蜃

虫去頭翅足炒各半錢

右為細末糯米粥為丸如梧子大朱砂為

衣每服十九溫酒送下食後

阿膠散治婦人血崩不止赤白帶下上黨李

阿膠炒白竜骨 赤石脂 乾薑炮各

右爲細末每服二錢熱酒調下崩漏艾湯

下

千金散治婦人血崩不止洹川馬

熟地黄兩壹生地黃 乾刺薊 蒲黃各半

芍藥 當歸 川芎各一

右爲麤末每服四錢酒壹盞半前至七分

去滓溫服食前日進三服

川芎散治婦人崩漏帶下諸方不効者延津

安方

川芎 當歸 生地黃 伏龍肝 竜骨

芍藥 蒲黃各一 御米殼去帶蜜浴

右爲細末每服二錢溫酒或米飲調下食

前

雜方

保生丸治婦人虛帶下赤白絕孕隆陽張

川烏

炮去皮臍 各一兩

右為細末煉蜜為丸如彈子大絲裏坐温

下部

温内玉抱肚

川烏

細辛

良薑

天仙子

肉桂

牡蠣粉

胡椒

乾薑

右為細末醋糊調塗臍下綿衣覆之

偏僻方

治血崩盜汗用故蒲灰酒調下二錢

奪命丹治赤白帶下

普濟方

白朮

滑石

各等分

同瓶器内燒丸半棗大紐坐子宮效

浴體法治下元虛冷腰腹冷痛崩帶下一切

冷病

張君玉祖方

椒目

桂

川烏

細辛

乾姜

右為麤末水煮潔浴下部妙

吳氏集驗方

祕金丹暖子宮滋血氣治帶

生地黃 半斤洗淨薄切日曬乾入 官桂 半斤

去蒲黃 三錢以紙觀砂 白芍藥 半斤 川芎 三錢

炒雞頭粉 兩 蓮花藥 三錢 白龍骨 三錢 熟地

黃兩 壹 肉蓯蓉 一宿焙乾 比五味 叁 兔絲子

參遠志 叁錢 鹿茸 半兩 川當歸 半兩 木香

錢丁香 叁錢 天雄 壹對去 右為極細末煉蜜為圓梧桐子大空心酒

醋湯下六十圓

神効名方

當歸散治月經欲來前後腹中痛

當歸 以米醋微炒 玄胡索 生用 沒藥 研 紅花 生用

生易簡方等分

右為末温酒調下二錢服之

治血崩蠶沙不以多少為末每服三五錢熱

酒調下服 衛生易簡方同

治婦人血枯川大黃右為末醋熬成膏就成

雞子大 衛生易簡方 作餅兒酒磨化一餅

山居四要

血崩服蒲黃黑神散立効

新效方

地黃丸治經水不調氣痞血塊肚腹作疼

生地黄 壹斤并汁以和生 老生薑 壹斤并汁以和

地黃 洋曬乾為末 玄胡索 當歸 川芎 白芍

藥 四味各二兩 人參 桃仁 各壹兩半 木香 沒藥

各壹兩 香附子 半斤

右十壹味末之醋糊丸梧子大每服五七

十丸空心生薑湯下

固經丸治經水去多不止

白芍藥 炒 黃芩 炒 龜板 炙叁味各一兩 香附 半

黃檗 炒叁錢 椿根白皮 半

右六味末之酒糊丸梧子大每服五七十

丸溫水下

治白帶方

椿白皮 山茱萸 苦參 香附 四味各半兩

龜板 枳子 各二兩 乾薑 貝母 各二錢半 黃檗

壹兩 白芍藥 七錢半

右十味末之酒糊丸梧子大每服五七十
丸溫水下

又方白芷四兩以石灰半斤
海參宿漉出炒焦

右壹味為末神麴糊丸梧子大每服五七
十丸溫水下

理傷續斷方

膠艾湯專治婦人尋常經脈不通宜先服此
後服鱉甲散

乾地黄錢叁阿膠錢二川芎 艾葉各二錢

右皎咀每服二錢水壹大盞酒半盞同煎
至八分溫服不拘時

急救仙方

婦人血崩好絲棕欄頭髮共燒灰存性用百
草霜同研為末衛生易簡方無灰酒調服

徐氏胎產方

治赤白帶夏枯草花開時採搗為末每服二
錢食前溫飲調下能飲者酒服

又方用酸漿草陰干為末空心酒下三錢匕

衛生易簡方同

月候湛濁赤白帶下多年不差者石燕一枚於堅硬甕器內以溫水摩服之
催經散治婦人經脉下行

凌霄花

不以多少搗羅為末

右每服二錢溫酒調下食前服

仙傳濟陰方

調經

婦人經血有七七七通行病難識非寒非

熱及頭疼次第調經不須失

正胃湯

半夏一兩 川芎四錢

旋覆花四錢 陳皮參錢

白茯苓

半錢 丁香壹錢

姜煎空心服

平胃湯○衛生易簡方治經候不調

人參 草果 白朮 宿砂 白茯苓

紅棗肉

煨過焙干

為末易簡方每服二錢 空心白湯調下

月候不乾

月經太過不乾時乃是氣虛之所為內補元
中加使用鹿茸附子補三虛

歸茸元

當歸壹兩牡丹皮叁錢鹿茸叁錢附子壹個地黄

人參各叁錢

右為末糊元阿膠湯下衛生易簡方為末醋糊丸如桐子大

每服五七十丸阿膠湯下

玉機微義

調經之劑

局方四物湯方見本方

按此手足太陰厥陰藥也

逍遙散方見和劑局方

按此足三陽三陰藥也散血中濕熱之劑

膠艾湯方見和劑局方

按此溫經補血之藥也厥陰例

良方溫經湯方見和劑局方薑黃散方見婦人良方

按此二方通經之劑破血之藥非止於溫

經也臟冷氣血滯者可用姑存之

加減四物湯

經候微少漸漸不通手足煩疼漸瘦生潮熱脉微數本方去地黃芩加澤蘭葉三倍甘草半分經候過多本方去熟加生地黃經行身熱脉數頭昏本方加柴胡黃芩各半兩經行微少或脹或痛四肢疼痛加延胡沒藥白芷與本方等淡醋湯調下末子經候不調心腹疴痛只用芎歸二味名君

臣散

鹿茸丸 方見管見 大全良方

按此足少陰厥陰藥也今人多用之故收入治血虛濕勝帶下甚捷

元戎加味四物湯

氣充經脉故月事頻併臍下多痛本方加芍藥 經欲行臍腹絞痛本方加玄胡攢榔苦棟木香 經水過多本方加黃芩白朮 經水澁少本方加葵花紅花小經水

適來適斷或有往來寒熱宜先服小柴胡去寒熱後以四物湯和之

丹溪加味四物湯

經候過而作疼血氣俱虛也宜本方對四君子湯服之 經候將來作痛者血實也

本方加桃仁黃連香附 經水不及期血

熱也本方加黃連 過期血少也本方加

參朮帶痰加半夏陳皮 過期紫黑有塊

者血熱也必作痛本方加香附黃連 過

期而淡色者痰多也芎歸二味合二陳湯

服 紫色成塊者熱也本方加黃連紫胡

肥人不及日數而多痰者多血虛有熱本

方加香附南星半夏黃連白朮 瘦人血

枯經閉者本方加桃仁紅花或越鞠丸

失方科 血病門

簡易當歸散 本方見

按此足厥陰少陰藥也

寶鑑生地黃丸 本方見

類聚三

二

按此手足少陰太陰足少陽藥也

謹按已上諸方皆調理法也然血分成水

氣腸覃等証詳見各門茲不備錄大抵經

病實者破之結者散之虛者補之要在適

事為故也

理氣之劑

澹寮煮附丸 方見婦人
大全良方

嚴氏抑氣散 方見永
類鈔方

按此方主於氣煮附丸則氣中之血藥也

然氣鬱甚者宜于氣證門選用不必拘此

東垣益胃升陽湯 方見東垣
試效方

補中益氣湯治婦人室女經候不調脉微食

少體倦或熱 方見大方
科積熱門

按此二方氣血之藥血脫益氣之大法也

紺珠正氣天香湯治婦人壹切氣氣上湊心

心胃攻築脇助刺痛月水不調

台烏藥 錢二 香附子 錢八 陳皮 蘇葉 各壹錢 乾

姜 錢半

右咬咀每七八錢水煎服

謹按婦人經病多有因於七情六鬱致者故集已上例以備其義大抵氣行不失其口則經血亦行也

通經之劑

良方通經丸

方見簡易方

加味四物湯嚴氏名六合湯治婦室經事不行腹中結塊疼痛腰痛

本方加桂蓬朮

等分

右咬咀每四錢水煎服

紅花當歸散

方見和劑局方

桂枝桃仁湯

地黃

通經丸

嚴氏琥珀散

方並見婦人大全良方

戴人玉燭散治經候不通腹脹或痛四物湯

對調胃承氣湯

右咬咀

按已上諸方並出厥陰例藥也然有本於氣虛氣鬱血虛痰積等因不同宜於前調理氣諸方內選用

治崩漏之劑

生地黄散治經漏下血脈虛洪經水紫黑
大方科血病門

簡易黃芩湯方見本方

按此二方治熱之劑也

一法用此味治天癸當住每月却行或過

多不止出瑞竹堂方名芩心丸

伏龍肝散方見聖惠方

按此治寒例藥補血固虛之劑也

備金散

方見備生寶鑑

澹寮茯苓補心湯

方見本方

按已上方理氣補榮之劑也

良方縮砂散

方見婦人方大全良方

五靈脂散

方見朱氏集驗

荆芥散

方見婦人方大全良方

瑞竹堂方蒲黃散

方見本方

按已上諸方皆却劑也

東垣升麻除濕湯

涼血地黄湯

方並見東垣試効方

按已上二方升劑也經漏不止氣血下陷

非此不能治

當歸芍藥湯 方見東垣 試効方

按此補劑也

治帶下之劑

千金方治帶下脉數者 方見本方

按此治熱例藥也

元戎六合湯治婦人赤白帶下脉沉微腹痛
或陰中痛

四物湯 四兩桂附子炒五錢

右咬咀每五錢水煎食前服

按此治寒之劑也

宣明導水丸治濕熱鬱於下焦之分赤白帶
下不止躁熱煩渴 方見大方 科諸濕門

按此治濕熱之藥下劑也

嚴氏當歸煎丸 方見嚴氏 濟生方

按此治血虛之劑潤燥藥也

良方白芷散 伏竜肝散 方並見婦人 大全良方

按已上方皆劫劑也

益母草散 方見婦人 大全良方 東垣固真丸 方見東垣 試効

方

按此寒熱之劑又止瀉藥也

桂附湯

方見東垣
試效方

按此補陽氣極虛用黃柏等為引用又升
降陰陽藥也

補經固真湯

方見東垣
試效方

按此補氣例藥也

衛生湯

方見拔
粹方

按此補血之劑也

苦棟丸

方見拔
粹方

按此邪謂入小腸故用此燥丙藥也

酒煮常歸丸

方見東垣
試效方

按此升陽勝濕之劑氣血藥也

升陽燥濕湯

方見東垣
試效方

按此升散之劑也

坐藥勝陰丹

方見東垣
試效方

按此劫藥也

運化玄樞

五月五日採蜀葵赤白者各收陰乾治婦人赤白帶下赤者治赤白者治白爲末酒服之

壽域神方

坤道部

治經候不調

衛生易簡方備用鼠糞百要方預百要方作通用

燒灰爲末每服壹錢

百要方食前熱酒調

下

若月候傷過及崩中用槐角燒灰爲末每服

一七用酒調服不問年月遠近皆治

治怯弱虛損血氣衰少怠墮嗜固飲食不進

精神不足用熟地黃當歸各四兩爲末蜜

丸如梧子大每服五十丸米飲湯空心送

下

治肚腹血氣刺痛用荔枝核燒灰存性五錢

香附子炒去毛壹兩爲末每服二錢食前

用米飲調下搥湯亦可

治血氣不行上氣衝心變作乾血氣用絲瓜

兒燒存性爲細末每用壹筒以亂絲燒灰和溫酒空心調下

衛生易簡方

經候不調

治血脈不調用苦益菜爲末每服壹二錢溫調或艾醋湯調服

治月水不利用醍醐葉絞汁和酒煎服壹盞治月信不調用阿膠炒成珠爲末酒調壹錢

服

治經脈不通用巴豆去油如菜豆大三丸以

烏金石末壹錢調湯送下即通年小者丸

如菜子大

又方用皂角壹枚去皮弦子巴豆壹粒去殼

杏仁二箇去皮尖同擣細以津唾和作一

團用新絲裹之留帶納陰中對前少頃

即通候黃紅水去盡取出

治乾血勞用大麥芽炒小麥芽炒千里馬灰

即左脚破草鞋各壹兩爲末每服三四錢

酒調下

治月候積年不來或數月不通用龍胎瓦松
景天各少許水二椀煎出椀去滓分作三
服無時大効龍胎似乾魚有鱗或在山間
水中出蜀中甚多

治經水不調身黃用白礬半兩陳皮三錢為

末以黃蠟半兩鎔開和丸如桐子大每服

三五十九湯吞下

治經候不調血臟冷痛用當歸附子炮等分

每服三錢水壹盞煎八分空心溫服

治榮衛不調寒熱自汗腫滿用大豆炒去皮

壹兩半茯神壹兩琥珀壹錢為末每服壹

錢濃煎烏豆紫蘇湯調下

治經候不調血氣刺痛腹脇脹滿頭暈惡心

崩漏帶下使血癥瘕用香附子壹斤米醋

浸一日瓦瓶中慢火煮醋盡薄切焙乾艾

葉四兩當歸二兩為末醋糊丸如桐子大

每服五十九淡醋湯下

治少女血熱風毒皮膚生癰瘡并行經脉用
凌霄花爲末每服二錢食前溫酒調下甚
効卽紫葳

治血氣腹腫用山豆根爲末每服三錢空心
熱酒調下

治壹切血病及產婦一切傷損用益母草竹
刀切洗淨銀器內煉成膏瓷器盛之每服
壹大匙酒調下

治血氣百病諸虛不足用當歸四兩地黃二

兩爲末蜜丸如桐子大每服二十九食前
米飲下

治血氣逆煩悶心痛用水牛角燒存性爲末
每服方寸匕酒調下

治月經太過用甜瓜仁爲末去油冰調服患
脚氣人食甜瓜永不差多食發黃動冷氣
令人虛

治血氣攻心痛不可忍用蓼根細剉酒浸服
之差

治血氣逆心悶痛用生蒜搗汁服二錢即差
治失血用紫蘇不拘多少大鍋內水煎將乾
濾去滓熬膏以赤小豆炒熟爲末和丸如
桐子大每服三五丸酒下常服差
治血氣脹滿用劉寄奴穗實爲末每服三錢
酒煎服不可過多能令人吐利此破血之
仙藥
治血氣風虛四肢不收或仰息不得用石膏
二兩甘草壹兩炙爲末每服方寸匕溫酒

下無時

崩中

治崩中連日不止用白殭蠶衣魚等分爲末
并花水調服日三差
治崩中血凝注用生胡麻壹升搗爛入湯中
絞汁半升服立差
又方用貫衆炒爲末每服三錢醋調服或煎
服立止
又方用蒲黃黑神散服立効

又方用童子髮以瓦二片相合封兩頭火煉
爲末每服方寸匕酒調下

又方用伏龍肝末五六錢米泔水半椀調服
卽止

又方蠶故紙壹張剪碎炒焦槐子炒黃等分
爲末每服二錢酒調服立止

又方用栢葉壹握水煎服無時
又方用石葦爲末每服三錢酒調服

治血崩血痢用黃蘗黃連各四兩苦酒五升

煎減半温服無時大效

又方用栢葉二兩芍藥壹兩炒過同爲末每
服二錢匕水酒共壹盞煎五分温服無時

又方施圓端效方用甌帶燒灰故蒲是也每
服三錢匕端效方温酒調下無時下兩分

治崩中蓋是陽乘陰則經水沸溢宜清之用
黃芩爲末每服三錢燒秤錘燂酒調下

治漏下血不絕用槐花燒灰爲末每服二錢
食前温酒調服

治血崩大便血及冷痢用牛角鯁燒灰存性

為末每服二錢童便或醋調服

治傷中崩絕川醜朮菜搗汁和酒煎沸服壹

合

治血崩用蒲黃黃芩各壹兩荷葉灰半兩為

末每服三錢空心酒調下

帶下

治赤白帶下用酸石榴五枚連殼舂絞取汁

每服五合服汁盡即斷

治斷赤下用薤白黃蘗濃煮汁飲

治白帶下用白馬蹄燒透為末每服三錢温

酒調下若赤帶下用赤馬蹄燒灰服

治赤帶不用蒲黃滑石為末每服三錢水調

下

治赤白帶下用野人肝剉碎炒煙出為末每

服三錢空心温酒調下

金匱鈎玄

婦人血塊如盤有孕難服峻劑

香附四兩醋煮桃仁去皮尖壹兩海石醋煮二兩白朮壹兩

石為末神曲糊丸

尾龍子能消血塊

血崩急則治其標白芷湯調百草霜甚者棕

櫚灰 後用四物湯加乾姜調理 因勞

者用參芪帶升補藥 因寒者乾薑木因

熱者黃芩崩過多者先用五靈脂末壹服

當分寒熱此藥性能婦人血崩用白芷香

附為丸服

凡白帶下用椒目末 一用白芷末

一方用生狗頭骨燒灰存性或酒調服或入

藥服

又方五靈脂末半生半熟為末酒調服 氣

虛血虛者皆於四物湯加入參黃芪

漏下乃血熱而虛四物湯中加黃連

經水

經候過而作疼者乃虛中有熱所以作疼

經候將來作痛者血實也桃仁香附黃連

經候不及期而來者血熱也四物湯加黃連

過期而來者血少也川芎當歸帶人參白朮痰藥

過期紫黑色有塊者血熱也四物湯加香附黃連

淡色過期者痰多也二陳湯加川芎當歸痰多占住血海地位因而下多者目必漸昏肥人如此南星蒼朮川芎香附作丸服

肥人不及日數而來多者痰多血虛有熱故也前方中加黃連白朮

血枯經閉者四物湯加桃仁紅花

軀脂滿經閉者導痰湯加川芎黃連不可服地黃泥膈故也如用以薑汁炒

帶下赤白赤屬血白屬氣主治燥濕為先帶漏俱是胃中痰積流下滲入膀胱宜升

人罕知此

肥人是濕痰海石半夏南星黃柏蒼朮川

芎椿白皮

瘦人帶下之病少如有帶者是熱黃栢滑石椿皮川芎海石甚者上用吐法以提其氣下用二陳湯加蒼朮白朮亦可作丸用又云赤白帶皆屬於熱出於大腸小腸之分黃荆子炒焦爲末米飲調服治白帶又能

治心痛

羅先生治帶下有有用十棗湯者神祐凡者玉燭散者皆峻攻之劑也實者可用此法

血虛者加減四物湯 氣虛者人參白朮

陳

亦赤白帶下年深不差阿膠散方
阿膠 芎藭 芍藥 乾薑 牡丹 艾
葉 甘草 生地黃
右八各一兩末為散每以溫酒下二錢効
女人帶下方牛角燒末酒調服三合
又赤白帶下方

綠礬 釜底黑 烏賊魚骨炙
黃

右三各一兩同研爲末以粟飯和丸如桐子大每食前溫酒下十五丸

調經禁忌

巢氏病源

漏下候

養生方云懷娠未滿三月服藥自傷下血下血未止而合陰陽邪氣結因漏治不止狀如腐肉在於子臟令內虛

漏五色俱下候

養生方云夫婦自共諍訟訟意未和平強從子臟閉塞留結爲病遂成漏下黃白如膏

調經鍼灸

千金方

赤白帶下崩中漏下

治白崩方灸小腹橫文當臍孔直下百壯又灸內踝上三寸左右各百壯

女人胞漏下血不可禁止灸關元兩傍相去三寸

女人陰中痛引心下及小腹絞痛腹中五寒
灸關儀百壯穴在膝外邊上壹寸宛宛中
是
治月經不斷方灸內踝下白肉際青脉上隨
年壯

通治一 附雜病

目錄

論

金匱方

艾以婦人雜病脉證并治

半夏厚朴湯 甘草小麥大棗湯 小青

龍湯 瀉心湯 紅藍花酒

千金方

雜治正氣

昆布圓

海上仙方

婦人五心熱

和劑局方

熟乾地黄圓 鍾乳澤蘭圓 人參荆芥

散 牡丹煎散 椒紅圓 熟乾地黄散

安息活血膏 吳茱萸湯

婦人門六

通治二

和劑局方二

四物湯 膠艾湯 大通真圓 艾油煎散

琥珀澤蘭煎 神仙聚寶丹 人參鼈甲

圓 琥珀黑散 茂香散 琥珀圓 雛

血圓 內炙散 烏雞煎圓 白聖丹

益陰丹 炒應丹 人參養血圓 交感

地黃煎圓 加減吳茱萸湯 增損四物

湯

王嶽產書

琥珀丸

大余本草

三因方

婦人女子衆病論證治法

烏鷄煎 烏金散 牡丹丸 黃芪五物

湯

助道方

婦人寒熱痰咳嗽

是齋醫方

百花膏

拱辰丹

暖宮元

艾炷元

內灸丹

桂香散

勝金丹

加減十寶

湯

瑣碎錄

步蓮散

易簡方

芎歸湯

直指方

調導飲

朱氏集驗方

繹皮丸 小黑神散

發搐

鹿茸丸 烏金散

怒氣傷肝

橋歸丸

嚴氏濟生方

婦室搗搦證治

白薇圓 澤蘭圓

婦人大全良方

通用方序證

佛手散 四物湯 丹參散 金釵煎

交加散 交加散 玉露通真元 補中

圓 二聖散 二聖大寶琥珀散 白朮

煎 滋血湯

婦人飛尸血厥方

太一神精丹 蘇合香元 雄朱散 白

薇湯 倉公散 白朮散

斷產方

拾遺方

固真丹 大效內補元

修月魯般經後錄

紫胡散

宣明論

人參白朮散

當歸龍骨丸 大延胡索

散 枳實檳榔丸 軟金花丸 烏金散

東垣試效方

理中茯苓湯 玄胡苦練湯 黃芪白朮

湯

蘭室秘藏

人參補氣湯 白朮茯苓湯 溫衛補血

湯 木溫經除濕湯 補氣升陽和中湯

麻黃桂枝升麻湯 當歸補血湯

御藥院方

洗洗丸 五聖丸 人參荆芥煮散 保

安丸 大保生丸 六神湯 當歸良姜

散 滋陰丹 滋血湯 八珍湯 加味

四物湯 地黄膏子 當歸沒藥丸

婦人門 七 六 婦人門 七 六 婦人門 七 六

通治 三 五 婦人門 七 六 婦人門 七 六

得效方 六

通治 八 婦人門 七 六 婦人門 七 六

義木散 加味五積散 通真圓 白薇

散 大效內補圓 小嘉禾散 灸法

雜方

芎歸湯 橄欖圓 鹿茸圓 芍藥湯

虎骨散 四物湯 升麻葛根湯

澹軒方

產前後血渴

產前後痢

轉胞

服童便法

肘後方

益母煎

澹寮方

柳氣散 內補圓 地黃圓

衛生寶鑑

中氣不足治驗

溫中益氣湯

必用全書

拔粹方

掌中金丸 骨碎補散 葱白散 黑神

丸

王氏集驗方

天麻散

醫方大成

大調經散 紫石英圓

醫方集成

內金鹿茸丸 異功散 桂香散

袖珍方

白朮散 八珍湯 枳殼散 犀角散

赤芍藥散 當歸沒藥丸 神秘湯 牛

黃膏 沉香和血丸 紫胡散 黃耆散

烏鷄煎丸 旋覆花湯

經驗良方

倉公散 白薇湯 應病散

醫林方

絲煎散 黃芩芍藥散 水仙飲子 琥

珀散 阿膠丸

施圓端效方

大加減建中湯 大黃散 補陰丹 四

生丸

吳氏集驗方

內補當歸湯

急救仙方

濟陰丹

仙傳濟陰方

異香四神散 烏犀圓 蒲黃黑神散

真科濟陰丹

手足疼痛

梅煎散 活絡元

手足心熱

磁石湯

往來寒熱

柴胡散

虛熱

逍遙散

皮肉如針刺

加干散

牙疼腫痛

赴筵散 補肝湯

遍身黃

寸金散

寒噎

丁香散

形容瘦瘁

谷靈丸

身痛

勻氣湯 勻血湯

寒戰

子規丸

心酸

茱萸丸

耳聾

壽域神方

衛生易簡方

金匱鈎玄

御醫撮要

保生丸

餘藥無名者散見本方

論藥於今者始見本

通治一

巢氏病源

婦人雜病諸候

虛汗候

人以水穀之精化為血氣津液津液行於腠理若勞傷損動陽氣外虛腠理開血氣衰弱故津液洩越冷多汗也其虛汗不止則變短氣柴瘦而羸瘠也亦令血脉減損經水不澀甚者閉斷不通也

氣候

氣候是肺虛所爲肺主氣五臟六腑皆稟氣於肺憂思恐怒居處飲食不節傷動肺氣者並成病其氣之病有虛有實其肺氣實謂之有餘則喘逆上氣其肺氣虛謂之不足則短乏少氣而有冷有熱熱則四肢煩熱也冷則手足逆冷

客熱候

人血氣有陰陽臟腑有虛實實則生熱虛則

受寒互相乘如此人身內陰陽冷熱自相乘也此云客熱者是體虛而將溫過度外熱加之非腑臟自生故云客熱也其狀上焦胷膈之間虛熱口燥或手足煩熱腸胃之內無實熱也

煩滿候

煩滿者由體虛受邪使氣血相搏而氣逆上乘於心胷氣否不宣故令煩滿煩滿者心煩胷間氣滿急也

身體卒痛候

身體卒痛者由勞動血氣而體虛受於風冷客其經絡邪氣與正氣交擊於肌肉之間故身體卒痛也

咽中如炙肉癢候

咽中如炙肉癢者此是胃鬲痰結與氣相搏逆上咽喉之間結聚狀如炙肉之癢也

喉痛候

喉痛者風熱毒客於其間故也十二經脈有

循類喉者五臟在內而經脈循於外臟氣虛則經絡受邪邪氣搏於臟氣則生熱熱禾其脈熱搏咽喉故令喉痛也

耳聾候

耳聾風冷傷於腎腎氣通於耳勞傷腎氣風冷客之邪與正氣相搏使經氣不通故耳聾也

耳聾風腫候

耳聾風腫者風邪搏於腎氣故也腎氣通於

耳邪搏其經血氣壅澀不得宣發故結腫也

眼赤候

眼皆赤者風冷客於腎間與血氣相搏而淚液乘之挾熱者則令皆赤

風眩鼻塞候

風眩而鼻塞者風邪乘腑臟入於腦也五臟六腑之精氣皆上注於目血與氣并屬於腦體虛為風邪入腦則引目目系急故令頭眩而腑臟皆受氣於肺肺主氣外候在鼻風邪

入腦又搏肺氣故頭眩而鼻塞

面黑疔候

面黑疔者或臟腑有痰飲感皮膚受風邪皆令血氣不調致生黑疔五臟六腑十二經血皆上於面夫血之行俱榮表裏人或痰飲漬藏或腠理受風致血氣不和或澀或濁不能榮於皮膚故變生黑疔若皮膚受風水治則瘥腑臟有飲內療方愈也

面黑子候

面黑子者風邪搏血氣變化所生夫人血氣
充盛則皮膚潤悅若虛損疵點變生黑子者
是風邪變其血氣所生若生而有之者非藥
可治也

蛇皮候

蛇皮者由風邪客於腠理也人腠理受於風
則閉密使血氣澀濁不能榮潤皮膚斑剝其
狀如蛇鱗世呼蛇體也亦謂之蛇皮也

手逆臚候

手逆臚者經脉受風邪血氣否澀也十二經
筋脉有起手指者其經虛風邪客之使血氣
否澀皮膚臚枯剝逆起謂之逆臚

白禿候

頭瘡有蟲痂白而髮禿落謂之白禿云是人
腹內九蟲內口口蟲值血氣虛發動所作也
夫瘧病者由夏傷於暑客在皮膚至秋因勞
動血氣腠理虛而風邪乘之動前暑熱正邪

相擊陰陽交爭陽盛則熱陰盛則寒陰陽更
虛更盛故發寒熱陰陽相離則寒熱俱歇若
邪動氣至交爭復發故瘧休作有時其發時
節漸晏者此由邪客於風府邪循脊而下衛
氣壹日一夜常大會於風府其明者日下一
節故其作日晏其發日早者衛氣之行風府
日下一節二十一日下至尾骶二十二日入
脊內上注於伏衝之脈其行九日出於缺盆
之內其氣既上故其病發更早其間日發者

由邪氣內薄五臟橫連募原其道遠其氣深
其行遲不能日作故間日作蓄積乃發凡病
瘧多渴引飲飲不消乃變為癖大腸虛引飲
水入腸胃則變為痢也

屢子小兒注車船候

無問男子女人乘車船則心悶亂頭痛吐逆
謂之注車注船特由質性自然非關宿挾病
也

瘧候

此或因帶下或舉重或因產時用力損於胞
門損於子臟腸下乘而成瘡

寸白候

寸白是九蟲內之一蟲也凡九蟲在人腹內
居腸胃之間腑臟氣實則蟲不動不爲人害
虛者蟲便發動滋長乃至斃人又云飲白酒
以桑枝貫牛肉食生栗生魚仍飲乳酪能變
生寸白者也

和劑指痛

論婦人諸疾

婦人諸疾皆因月經不調或前或後或多或
少或淋瀝不止或閉塞不通肢體倦怠困乏
少力飲食無味常服補者可與四物湯熟乾
地黃圓內補當歸圓琥珀圓當歸建中湯沉
香鱉甲散活血丹澤蘭圓益陰丹血海冷
憊者可與暖宮圓茴香圓大聖散小白薇圓
黑錫丹麝香鹿茸圓內補當歸圓經血過
多淋瀝不止者與膠艾湯溫經湯小白薇圓

烏金散益陰丹澤蘭圓內補當歸圓熟乾地
黃圓 赤白帶下服諸藥不瘥者可服澤蘭
圓兼服平補鎮心丹速效大聖散溫經湯澤
蘭散小白薇圓紫石英圓 白帶不止腹常
冷痛者可與暖宮圓麝香鹿茸圓法煉黑錫
丹茜香圓威喜圓澤蘭圓正元散來腹丹
帶下五色者可與益陰丹滋血湯伏龍肝散
崩漏下血過多頭目昏眩舉頭欲倒者可與
芎藭湯膠艾湯烏金散琥珀圓暖宮圓大聖

散內補當歸圓 崩中敗血連日不止與滋
血湯 血氣虛憊久冷崩漏下赤白五色不
定或如鼓汁可與溫經湯伏龍肝散四物湯
月經不通及室女月脉不行者可與蒲黃散
逍遙散大聖散黑神散琥珀澤蘭煎通真圓
活血丹四物湯地黃圓口血風勞胃膈不利
經脉澁四肢煩痛心悸者可與人參荆芥散
熟乾地黃圓逍遙散 血風氣虛頭旋及產
前後後者可與保生圓四物湯膠艾湯

虛勞發熱及寒熱俱發者可與黃耆鱉甲散
逍遙散地黃圓澤蘭圓荊芥散嘉木散參苓
白朮散 熱未退者與人參當歸散極妙
氣壯者可與逍遙散痰嗽或有血者臨臥服
人參養脾圓 氣壯年少女人骨中作熱者
可與熟乾地黃圓食前服食後服人參黃耆
散 疝瘕陰中冷痛或頭風入腦寒痺筋攣
血閉無子漏下赤白者可與熟乾地黃圓鍾
乳澤蘭圓牡丹煎圓 婦人無子或諸虛上

熱下冷百病皆生者可與小白薇圓禹餘糧
圓陽起石圓 先有寒冷心腹刺痛或腫或
寒下痢不止及少氣者可與吳茱萸湯活血
湯 血風攻疰五心煩熱遍身瘙痒或生癩
疹或發赤腫可與人參荊芥散人參當歸散
消風散四物湯加荊芥煎逍遙散甚者可與
服皂角煎圓 血氣凝滯者可服青木香圓
疎瀆開導
三因方

婦人論

夫天地造端於夫婦乾坤配合於陰陽雖清濁動靜之不同而成象効法之有類原茲婦人之病與男子不同者亦有數焉古方以婦人病比男子十倍難治不亦言之深乎但三十六病產蓐一門男子無之其如外傷風暑寒濕內積喜怒憂思飲食房勞虛實寒熱悉真丈夫一同也依源治療可得而知之
簡易方

太極未判一氣渾淪至於清濁肇分天地奠位而人立乎其中矣立天之道曰陰與陽而人則受陰陽之氣以生者也天有陰陽人有男女二者可以相有而不可相無也是知天有陰陽以化化人有男女以生生則由生而長莫先於養育之道也予今集方以濟陰爲首者正取其養育者天地之大德人倫之本初也人能致謹於此而審病之因明方之妙則它如婦室老童之所稟風濕寒暑之所感

或有一致疾者可以類推矣
直指方

婦人論

男女均有此血氣人皆曰婦人以血為本何
邪蓋其血勝於氣耳血藏於肝流注于臟而
主其血者在心上為乳汁下為月水合精而
為胞胎獨非血乎血之所以流暢於經絡者
氣實使之又不可舉一而遺一也女子十四
而天癸至男子二八天癸至精氣溢任脈通

太衝之脈盛故月候以時而行衝任者血之
海也月候者經絡之餘也經言其常其來有
期無過不及反此皆病其不行則尤其百病
生焉自其血氣和平陰陽調順則精血聚
而胞胎成胞胎已成而心腎三脈其動也應
手而疾蓋心之所主者血腎之所主者精精
血交并而成之精勝則為男血勝則為女此
亦自然之理也自其血氣不調陰陽愆伏
過於陽則經脈前期而來過於陰則經脈後

期而至蓋血性得熱則宣流得寒則凝滯陰
氣乘陽內寒血澁故其來乍少陽氣乘陰血
熱流散故其來乍多過與不及皆致病也
然經脈不行其候有三一則血氣盛實經絡
遏閉其脈滑實見之當通經二則形體焦瘠
經絡涸竭其脈虛弱見之當滋養三則風冷
內傷七情內賊以致經絡痺滯其脈浮濇見
之解散風冷經脈不行此諸病之所由生也
是故血虛則熱盜汗筋攣則為虛勞血少水

涸燥氣乘肺則為乾嗽宿寒留滯血與氣搏
則為腹痛敗血結塊時發寒熱則為癥瘕或
風寒滯經血化為水流溢四肢謂之血分或
脾不制水血與水并浮脹肌肉謂之虛腫或
衝任氣虛內慾過度風邪冷熱之氣入於胞
門穢液與血相兼而下冷則多白熱則多赤
冷熱不調赤白相半謂之赤白帶或衝任勞
損經海傷動脾虛衛弱不能約制其血倏然
暴下謂之崩中亦有非時血行淋瀝不斷謂

之漏下崩之中復有瘀血時崩時止謂之崩

中漏下所下五色各應五臟五臟俱虛五色俱下婦人血海挾受風邪不換金正

氣散加川芎以至眩暈煩悶嘔惡怔忡迷亂

官桂主之

冬忘發狂妄語小便不禁此婦人以血受病

最多而血之為病遇夜愈增劇也血屬陰陰虛則夜爭

然則產育一科可得聞乎曰產前之病其脉

貴乎實產後之病其脉貴乎虛產前為之順

氣安胎產後為之扶虛消瘀此其要也柳產

育之後血衰氣弱宿瘀未盡飲食起居梳洗

解脫一有不謹得病猶甚易焉凡婦人而氣

諸疾但用四物湯加以炒吳茱萸主之陰臟

加多陽臟加少無不効者若產難若胎衣不

下若胎損腹中則入醋夾煎或生料五積散

加芎歸縮砂煎之以水醋或局方黑神散用

乳香煎湯調下皆其類耳外此則有芎歸湯

佐以縮砂調理胎婦腹痛或胎動下血更以

炒阿膠并熟艾濟之至若胎婦喘咳則縮砂

川芎炒阿膠等分入生薑烏梅紫蘇梗最良

胎婦艱食則調氣散枳殼散等分入縮砂爲
砂大小產後津液涸燥滯血停留易至大便
秘結枳殼散加炒桃仁用蜜水同煎入醋數
沸可也縮胎之劑枳殼縮砂烏藥所不可無
安胎之劑阿膠縮砂桑寄生又不可闕婦人
多因怒氣傷胎所以安胎尤莫先於順氣其
於產後發熱黑神散加川芎荆芥入生薑葱
白尤佳產後消瘀黑神散須多服餌至一臘
以後腹中略無疼痛方可與四物建中湯輩

服之太早則補住敗血爲害非輕若夫郭稽
中所編產寶方論邇來書肆別有經驗節本
辭簡理明此可爲產科公據

孕育備論

經云少陰脉動甚者有子厥旨何哉曰手少
陰之經屬心足少陰之經屬腎心之所主者
血腎之所主者精精血合氣而成之也然而
胞門子戶又所以爲精血之會其於尺部二
脉尤有可驗者焉且婦人尺部之脉滑是爲

血實必主月事不行若其來斷絕或中絕而不至者此皆無孕惟滑而不絕略無間斷於其間此則真胎孕之脉也 血人懷胎臟氣擁閉不可多睡不可憂懼勞役不可啖食粘滯辛燥強硬之物又不可妄施針灸所貴時行數步調暢自適使氣得其平若酒麪炙煇熱毒熏蒸若感觸風邪傳染熱氣若誤服藥餌被血動胎若七情內傷快意縱慾則易致漏胎若腹痛方來用力太早若覺則驚動胎

轉未得若抱持不止奔突後趨若近產多淫觸犯禁忌則易致產難既產之後或過用心力或素有痰阻或血虛氣逆或虛極乘寒則血運眩悶之證生矣 然而安胎之法有二 因母病以致動胎者但療母病其胎自安或胎氣不堅因觸動以致母病者則安胎而母自產以膠艾湯芎歸湯各半縮砂佐之爲良難產之劑前所謂四物湯加吳茱萸入醋夾煎黑神散用乳香煎湯調下皆其要藥產後

血運先以舊漆器燒煙微向其鼻次則五靈
脂末半生半炒入蘇合香圓百沸湯調與之
或里神散入麝少許調以紫蘇湯或花藥石
散用童子小便溫溫調劑可也損孕驗法婦
人面色青手足冷指甲黑而且遍體不仁腰
腹痛割其或面青唇青以至舌間黯黑口角
沫出則不容以人力勝之大要將產腹痛萬
勿驚動且須凭物而行直至腰疼子逼育門
方可用力蓋腎繫於腰而胎繫於腎故也

俗於產下多用埋中圓然蜜甘而滯不若但
用埋中湯俗於小兒初誕多用黃連然差苦
傷胃不若但用甘草炙煎蘇蘸入口良久迭
用惡物自出俗於胎孕已成多服滑胎枳殼
散然枳殼微寒須以縮砂烏藥爲佐產後飯
食米飲勿用產後盥洗沸湯是常調血以四
物逐瘀以黑神人所共知也若夫順氣等劑
胎前產後尤當兼施而並用之血運昏迷切
勿用降真香
熏之以
塞其氣

嚴氏濟生方

婦人論治

夫婦人乃衆陰所集常與濕居貴乎血盛氣衰者也血盛氣衰是謂從從則百疾不生血衰氣盛是謂逆逆則災害至矣且婦人嗜慾多於丈夫生病倍於男子及其病也比之男子十倍難療尤不可不攷若是四時節氣喜怒憂思飲食房勞爲患者悉與丈夫同也有如七癥八瘕九痛十二帶下產蓐乃男子所

無之證此其生病倍於男子也又況慈戀愛憎嫉妬憂恚抑鬱不能自釋爲病深固者所以治療十倍難於男子也山是婦人別立方焉儻能推所自而調之可謂盡善盡美矣
管見大全良方

頭旋證治

婦人血風氣虛頭旋及產前產後頭旋者可與保生圓四物湯膠艾湯許學士用蘇子降氣湯吞養正丹

疝瘕陰冷頭風攣痺無子漏下證治

婦人疝瘕陰中冷痛或頭風入腦寒痒筋攣
血閉無子漏下赤白者與熟乾地黄圓鍾乳
澤蘭圓牡丹煎圓

諸虛上熱下冷多病證治

婦人無子或諸虛上熱下冷百病皆生者與
小白薇圓禹餘糧圓陽起石圓

心腹冷痛下利少氣腫滿證治

婦人先有寒冷心腹刺痛或腫或寒下利不

止及少氣者可與吳萸茶湯活血湯血氣作
楚心腹刺痛者可與紅圓子博濟方葱白散
若遇經行心腹刺痛不可忍者兼服北亭圓
婦人大全良方

產寶方論

古者治婦人別著方論者以其胎妊生產崩
傷之異况婦人之病比之男子十倍難療盖
女子嗜慾多於丈夫感病倍於男子加之慈
戀愛憎嫉妬憂恚染著堅牢情不自抑所以

爲病根深治之難。若況懷胎妊娠而挾病也。不特避其毒藥。仍須審其虛實。冷熱而調治之。無使妄投湯劑。以致夭枉。

博濟方論

夫人將攝順理。則血氣調和。風寒暑濕不能爲害。若勞傷血氣。則風冷乘虛而干之。或作之於經絡。或循入於腹中。內受風邪。脾胃虛弱。故不能消於飲食也。食既不充。榮衛凝滯。肌膚黃燥。面不光澤。若大腸氣虛。則變爲下

利。若流入關元。致絕子嗣。隨其所傷而變成疾。醫經曰。凡婦人三十六種病。皆曰子臟冷。熱勞損而挾帶下。起於胞內也。是故衝任之脈爲十二經之會。海婦人之病。皆見手少陰太陽之經而候之。

寇宗奭論

治婦人雖有別科。然亦有不能盡聖人之法者。今豪足之家。居奧室之中。處帷幔之內。復以帛幪手臂。旣不能行望色之神。又不能殫

切脉之巧四者有二闕焉黃帝有言曰凡治病察其形氣色澤形氣相得謂之可治色澤已浮謂之易氣形氣相失謂之難治色夭不澤謂之難已又曰診病之道觀人勇怯骨肉皮膚能知其情以爲診法若患人脉病不相應既不得見其形醫人止據脉供藥其可得乎如此言之於能盡其術也此醫家之通患世不能革醫者不免盡理質問病家見所問繁逮爲醫業不精往往得藥不肯服似此甚

多扁鵲見齊候之色尚不肯信况其不得見者乎嗚呼可謂難也已

十形三療

惡寒實熱

一婦身冷脉微食沸熱粥飯六月重衣以狐帽蒙其首猶覺寒泄注不止常服薑附硫黃燥熱之齊僅得平和稍用寒涼其病轉增二年不愈戴人診其兩手脉皆如緝繩有刀一息一七至脉訣曰六數七極熱生多以涼布

慰心次以新汲水淋其病處婦乃叫殺人不出病者令人持之復以冷水淋其二四十桶大戰汗出昏困一二日而向之所惡皆除此法華元化已曾用之世無知音

濕癬

一女子年十五兩股間濕癬長三四寸下至膝發痒時爬搔湯口俱不解痒定黃赤水流痛不可忍灸炷薰漂硫黃藜茹白彊蠶羊蹄根之藥皆不効其人姿性妍巧以此病不能

出嫁其父母求療于戴人戴人曰能從余言則差父母諾之戴人以銚鍼磨令尖快當以痒時於癬上各刺百余鍼其血出盡煎搗湯洗之如此四次大病方除此方不書以告後人恐爲癬藥所悞濕淫于血不可不砭者矣雜記九門

不可忌口

戴人常曰臟毒酒毒下血嘔血婦人三十已下血閉六月七月間膿血惡痢疼痛不止婦

人初得孕擇食者已上皆不忌口

治法雜論

凡婦人男子喉閉腫痛不能言者刺兩手大
拇指爪甲如韭葉少商井穴也以銚針淺刺
去血立愈如不愈以溫血湯口中含漱是以
熱導熱之法也

宣明論

婦人論

素問曰目得血而能視耳得血而能聰指得

血而能攝掌得血而能握足得血而能步臟
得血而能液滂得血而能氣然血所通流則
氣亦然也氣血宣行其中神自清利而應機
能用矣故素問氣血人之神也不可不謹調
護然 婦人以血藏爲基李也夫婦人之病
手太陽手少陰小腸心之經絡爲裏表起自
任衝之脉於中極之下以上毛際循腹裏關
元上至咽喉躋循面目過帶脉貫臍而止以
婦人月水一月一來如期謂之月信其不來

則風熱傷於經血故血在內不通或內受邪熱脾胃虛損不能飲食食既不充榮衛凝滯肌膚黃燥而不光澤或大腸虛變爲下痢流入關元致絕子嗣爲子藏冷熱勞損而挾滯下起於胞內夫帶下之造化但分經絡標之殊異爲病之本氣也其病所發止在過帶脉之分而淋瀝以下故曰帶下也赤白之說者無寒也法曰頭目昏眩口苦舌乾咽嗑不利小便赤色大小便秘澀滯脉實而數者皆

熱證也凡白帶下者亦多有之爲病寒豈能然素問元則害承迺制謂元過極而反兼已勝之化制其甚也則如火煉金熱極則反化爲水及六月熱極則物反出液而濕潤材木流津故肝極則出泣心熱甚則汗脾熱甚則山涎肺熱甚則出涕腎熱甚則唾大凡俗論已煎熱湯煮極則沸溢及熱氣燻蒸於物而生津液也故下部任脉濕熱甚者津溢涌而溢已爲帶下見俗醫白帶下者但依方

論而用辛熱之藥雖有誤中致令鬱結熱散不能宣通舊病轉加世傳誤之久矣得效方

濟陰論

夫濟世之道莫先於醫論醫之難濟陰猶急何則婦人之病比之男子十倍難療或云七癥八瘕九痛十二帶下共三十六病雖有名數莫詳證狀推原其理無非血病多因經脈失於將理產蓐不善調護內作七情外感六

淫陰陽勞逸飲食生冷遂致榮衛不輸新陳干忤隨經致濁淋露凝滯爲癥爲瘕流溢穢惡痛害傷痼以致所患不一而止犯時微若秋毫感病重於山嶽是也故女子十四而天癸至天謂天真之氣降癸謂壬癸水名故云天癸而衝任脈主之衝任者血之海也月水者經絡之餘也蓋婦人以血爲本心生血肝行血榮衛四體如環無端灌注百脈餘者爲月候以時而行若水溢自流不自知覺故織

病不作而氣體充盛而有子矣其有來多不
斷或過期不來或未期而先來參差不一而
病生當其來時則一上日之前腰腹滿痛或
頭疼作熱百節攣急甚於重患過此則發為
虛熱自汗加以五心內熱遂為虛勞血少水
涸燥氣乘肺則為咳嗽宿寒留滯血與氣搏
則為腹痛敗血結塊時發寒熱則為癥瘕或
風寒濕滯經血化為水流溢四肢謂之血分
痺不能制血與水并浮脹肌內謂之虛腫或

衝任氣虛內慾過度風邪冷熱之氣入於胞
門穢液與血兼下冷則多白熱則多赤冷熱
不調赤白相半或為赤白帶下若衝任勞損
經海動傷脾虛胃弱不能約制其血倏然暴
下故謂崩中漏下所下五色各應五臟五臟
俱虛五色併下以致眩暈煩悶嘔惡怔忡迷
亂多忘發狂妄語小便不禁是皆血之為病
也復有生於嬌貴之家憂憎在念而氣逆于
中故氣有一息不行血有一息不運則胃腹

類聚三百一
七三
脹痛眩暈嘔噦倦乏不自勝持飲食不爲肌
膚致成重患治療之際調氣爲上調經次之
斯可爲定法受孕之後切宜避忌胎殺所遊
如經云刀犯者形必傷泥犯者竅必塞打擊
者色青黯繫縛者相拘攣甚至母殞驗若返
掌斷不可忽半產一證非如正產正於如果
中栗熟其殼自開兩無所損若半產則比之
採斫新栗碎其膚殼損其皮膜然後取得甘
實半產正類此以其胎臟傷損胞繫斷去而

後胎墜下皆因月未滿是誤服藥餌忽寒邪
熱毒所傷忽舉重打傷跌撲或犯禁忌或衝
任脉虛漏下所致生死形候亦如正產察認
大抵半產須加十倍調治或外證喘促痰壅
恍惚昏迷不語惡露斷絕煩渴或變瘧候無
復生全其有惡露通昏迷乍醒不喘促猶可
治也復有市井之家村落之婦恣情忘作偷
生不正或多日女厭於養育往往以早藥毒
之驚見敗血不下衝心悶亂喘痰虛汗交作

死者罔記聞者可不爲戒治之者須以解毒
行血藥亟救則十全二三矣逮夫正產有妬
六七月切忌恣情交合入月亦忌飲酒叫怒
洗頭臨產必難產婦古以陣面健兒爲喻可
謂危矣臨產之初先脫尋常所穿衣以籠龜
頭及竈口則易產不可喧闐宜謹選一熟善
坐婆及得力家人扶持無使揮霍致令產婦
憂恐惟當煖軟飯糜粥之類若腹中痛且冷
扶行或痛或止名曰弄痛不可便行試水手

探聽產母坐卧切須熟忍或服催生符藥却
不可曲腰眠睡如連腰引痛眼中如見火色
此是兒轉蓋腎則繫於腰胞繫於腎貼於脊
更盡脉轉甚弦如急珠者卽其驗矣又須令
人扶策徐徐而行若行步艱難卽凭物立須
臆扶策再行直至腰腹相引陣痛頻頻又服
催生藥勉強扶行痛陣轉甚難於行立認是
產時將至然後坐草切勿太早恐子在腹中
難於轉側及胞漿先破子道乾澁皆至難產

務要產婦惜力若心中熱悶以蜜一匙新汲水調下若熱悶未解以生鷄子一箇打破吞服直待兒迫產門頭面端正然後令人抱腰其抱腰之人不得傾斜則兒順其理自然易產又有臥產者須待臥定背平著席體不偃曲則兒不失其道必無難產之理時當盛暑宜居深幽淨室日色遠處開啓牕戶多貯清水以防血暈血悶血溢妄行血虛發熱之證如冬末春初天色凝寒宜密閉產室室寒罅

隙內外生火常令暖氣如春仍下襲衣服不可去綿方免胎寒血結母致難產矣及至產訖先令飲童子小便壹盞無使就睡且令閉目而坐頃之方可扶置於床宜仰臥立膝勿令伸足睡熟亦宜頻喚醒產室無俾風著其肌致生他疾况產下切未可以得男爲喜恐爲紅汗之證得女爲憂恐致敗血衝心之患惟當頻啜艾醋等湯藥常焯醋煙以防紫悶逡巡進少白粥毋令過飽其有破水之後經

日而不產者又當隨證細辨身重體熱作寒
面黑舌青反舌上冷母死子活而赤舌青母
活子死唇口俱青吐沫子母俱斃倉皇之間
救治不可不審且常預與病家言之若胎衣
不下者停待稍久非惟產母疲倦又且血流
入胞中爲血所脹上衝心胸喘急疼痛必至
危篤宜急斷臍帶以少物繫墜繫墜之時尤
宜用心拴繫然後截斷不爾則胞上掩心而
死須使其子血脉不潮入胞中則胞衣自當

痿縮而下縱淹延數日亦不害人予治療多
見之惟欲產母心懷安泰終自下矣未可輕
信坐婆妄用手法因此而殂正產後中風口
眼喎斜角弓反張六脉緊大自汗過多虛極
生風唇青肉冷剛柔二瘡項背彊硬手足攣
急咬齒嚼舌血虛眩暈頻發悶絕氣冷口鼻
黑起出血不止虛熱變生名胃絕肺敗喉中
氣急喘促不息煩渴殊甚惡露斷絕名孤陽
絕陰五七日內彊力下床或憂怒太過壹月

之內或傷於房事或亂行針艾以改眼游口
噤肌肉睜搐腰脊彊直語言不出類皆難治
猶宜敬謹外此傷寒及諸雜病與男子等當
以理血藥爲助臨治之際宜以意消息而加
減之

澹寮方

婦人

古人謂婦人病倍於男子難治以其慈戀嫉
妬喜怒憂患關心尤重不能自釋感病深故

也內典云談說酢梅口中水出想踏懸崖足
心酸澁思想前人或憐或恨眼中淚盈貪求
財寶心發愛涎舉體光潤斯卽心病最難醫
之說心旣病而身得不病乎若非自能移心
抑情則雖服金丹大藥亦不能愈况參十陸
候及產蓐一門男子無之由是而當別立方
焉且婦人乃衆陰所集與濕同居貴乎血盛
氣衰者也血盛氣衰是爲從從則百病不生
血衰氣盛是謂逆逆則百病俱生所以治婦

人之疾當先爲抑陽助陰兼理七情使無鬱
抑之懷當自安愈也

施圓端効方

婦人

產科本業祖師李公臨洛次師段公大鄴先
師范公涇川故師以此道行於正隆其間名
溢山東投老於臨洛子孫世顯及甥甥段氏
又受此業因道之東迄於大鄴周三百里壹
人而已次受天祿范公先生復振遺風忠忝

預門生粗窺師道故述斯言以咨予後誠恐
久而湮淪本末矣頌曰故師范公京兆之英
行身朴素戲慕慈風恭懃本道竭力蠶耕仁
淳信厚哀哉踵空師受方說傷寒雜病產育
前後湯液粥食飲服寒熱取其逆順消息臨
時若以雜病隨方有證唯有傷寒加減法另
婦人血虛新產其孕婦時疾日深流變多致
損胎及逢暑夏潮熱發黃狂燥生斑急從正
論增減調滌若以熱極難愈寬周遷就風涼

積水停冰足飲漬淋胃臆以待來復養之和
之若爲一槩之用產後雜方溫藥醇酒同服
禍如反掌經云有故無損亦無殞也大積大
聚其可犯也衰其平而止過者死直訣曰婦
人新產後去血過虛極冬夏寒暄異調養順
從宜閉目澄心坐倚皆靠親隨牀頭高偃臥
裊褥厚遮帷立膝揉心腹摩按下過濟除穢
滋新血粥藥間相宜寒無登廁早血室冷疑
疾當風休洗浴近火處重圍產室病生端邪

人因虛損往古聖貽詮理至全生本產逼新
登草如陣戰沙場墮熙雙兔難璋室寢芳香
金匱方

婦人雜病脉證并治

婦人中風七八日續來寒熱發作有時經水
適斷此爲熱入血室其血必結故使如瘧

狀發作有時小柴胡湯主之

方早大方
科嘔吐門

婦人傷寒發熱經水適來晝日明了暮則譫
語如見鬼狀者此爲熱入血室治之無犯

胃氣及上二焦必自愈

婦人中風發熱惡寒經水適來得七八日熱除脉遲身凉和胸脇滿如結胸狀讖語者此為熱入血室也當刺期門隨其實而取之

陽明病下血讖語者此為熱入血室但頭汗出當刺期門隨其實而瀉之澱然汗出者愈

婦人咽中如有炙臠半夏厚朴湯主之

半夏厚朴湯方

千金作胃滿心下堅咽中帖帖如有炙肉吐之不出吞之

下不

半夏

乙升

厚朴

三兩

茯苓

四兩

生姜

五兩

乾蘇葉

二兩

右五味

千金方咬咀

以水七升煮取四升分温

四服日三夜一服

千金方此下云不瘥頻服一方無蘇葉生薑

婦人藏躁喜悲傷欲哭象如神靈所作數欠

伸日麥大棗湯主之

甘草小麥大棗湯方

諸方名大棗湯

甘草三兩小麥乙升大棗十枚

右三味諸方以水六升煮取三升溫分三服備預百亦補脾氣澹寮方同○澹寮方又云有婦人數次無故悲泣不止或謂之有崇禳請備至終不應許學士忽憶金匱有一證云婦人臆躁悲傷欲哭象如神靈數次者大棗湯主之急令治藥盡劑而愈古人識病製方種種妙絕如此試而後知本事方袖珍方石叟咀每服一兩水二盞煎至一盞去渣溫服不拘時候亦補脾氣專治婦

人方名甘草湯三因方小麥湯小麥壹升甘

草三兩右為剉散每服半兩水二盞棗四枚

煎至六分去滓空心溫服亦補脾氣

婦人吐涎沫醫反下之心下即痞當先治其

吐涎沫小青竜湯主之涎沫止乃治病瀉心

湯主之

小青竜湯方見咳瀉心湯方見血

婦人六十二種風及腹中血氣刺痛紅藍花

酒主之

紅藍花酒方 疑非仲景方

紅藍花 乙兩

右壹味以酒一斗升煎減半頓服一斗未止再服

千金方

雜治

治婦人勞氣食氣胃滿吐逆其病頭重結痛小便赤黃大下氣方

烏頭 黃芩 巴豆 各半兩 半夏 參兩 大黃 八兩

戎塩 一兩半 蜃蟲 桂心 苦參 各十人參

消石 各壹兩

右十壹味為末以蜜青牛膽拌和擣三萬杵丸如梧子宿不食酒服五丸安卧須臾當下黃者小腹積也青者疝也白者內風也如水者留飲也青如粥汁膈上邪氣也血如腐肉者傷也赤如血者乳餘疾也如蟲刺者蠱也既下必渴渴飲粥飢食酥糜三日後當温食食必肥濃三十日平復

亦名破積烏頭丸主心腹積聚氣悶脹疝
瘕內傷瘀血產乳餘疾及諸不足

治婦人經服硫黃丸忽患頭痛項冷冷欬又
心胃煩熱眉骨眼背癢痛有時生瘡喉中乾
燥四體痛癢方

枯藁根 麥門冬 龍膽 各叁兩 大黃 二兩

人升 二兩 土瓜根 八兩

右六味為末蜜丸如梧子大飲服十枚日
三後漸加之

治婦人氣方平且服烏牛尿日一止

昆布圓治婦人胷中伏氣方

昆布 海藻 芍藥 桂心 白石英

欵冬花 桑白皮 各二兩 柏子人

茯苓 鍾乳 各二兩 紫菀 甘草 各一兩 乾薑

當兩 陸銖 吳茱萸 五味子 細辛 各一兩 杏人

百橘皮 蘇子 各五枚

右二十味為末蜜和丸如梧子酒服二十
丸日再加至四十丸

治婦人無故憂恚胃中迫塞氣不下方

芍藥 滑石 黃連 石膏 山茱萸

前胡 各一兩 大黃 麥門冬 細辛 生

薑 各一兩 半夏 十八銖 桂心 兩半

右十二味為末蜜丸如梧子酒服二十九

加至三十九日三服

婦人斷產方蠶子故紙方一尺燒為末酒服

之終身不產 婦人大全良方千金翼方外臺秘要永類鈔方同

又方油煎水銀一日勿 婦人大全良方作方 息空肚服

棗大一枚永斷不損人

海上仙方

婦人五心熱

婦人五心發熱病水仙荷葉赤芍藥等分細

研白湯下二錢多服手拈著 簡生易簡方同

和劑局方

熟乾地黃圓治婦人風虛勞冷一切諸疾或

風寒邪氣留滯經絡氣血冷澁不能溫潤肌

膚或寒客於腹內則脾胃冷弱不能剋消水

穀或腸虛受冷大便時泄或子臟挾寒久不
 或胎月水不調乍多乍少或月前月後或淋
 瀝不止或閉斷不通結聚癥瘕面體少色飲
 食進退肌肉消瘦百節酸疼時發寒熱漸至
 羸損帶漏五色陰中冷痛時發腫痒月水將
 行臍腹先痛皮膚皴澁癢疹癢麻痺筋攣
 面生黥鬚髮黃脫落日淚自出心忪目眩及
 產後勞損未復肌瘦寒熱顏色枯黑飲食無
 味漸成羸勞並皆治療

栢子仁微炒芎藭熟乾地黃酒浸壹宿
 二錢半壹兩五味子各壹兩半石斛去根
 肉桂去麤皮一分經驗白木各壹兩肉蓯蓉
 酒浸壹宿焙○山藥經驗方細辛去苗
 一兩二錢三兩○去根經驗白茯苓去皮
 錢半三兩厚朴去麤皮姜汁炒
 三兩乾薑炮經驗方禹餘糧火燒通赤淬七
 兩白芷經方一兩二錢半通赤醋淬七
 二兩防風去蘆枝各一兩人參去蘆○經驗
 兩蛇床子揀淨微炒○杜中黃○經驗方

兩蜀椒去目及閉口者微炒牛膝去蘆酒浸壹宿
 焙○醫方集成壹兩艾葉炒○經驗燕黃
 經驗方二兩壹分赤石脂煨過○簡
 炒○經驗方續斷各叁
 膏兩二錢半煨研飛各貳兩○簡易方集成叁兩
 石膏經驗方壹兩貳錢半油珍方壹兩
 藁本去蘆洗當歸去蘆酒浸一宿到炒○集
 貳味壹甘草炙各一兩三分○簡易方壹
 兩六分兩壹分袖珍方壹兩六分
 澤蘭去枝貳兩壹分○紫石英細研水飛
 易方壹兩
 石為末煉蜜和擣五七百杵圓如梧桐子

大每服三十圓簡易方醫方大成五十五元溫酒或米飲

下空心食前服常服養血補氣和順榮衛

充實肌膚調勻月水長髮駐顏除風去冷

令人有子溫平不熱無毒妊娠不宜服管見

大全良方同

鍾乳澤蘭圓補虛羸益血氣治衝任虛損月

水不調臍腹痛腰腿沉重四肢倦怠百節

酸疼心忪恍惚憂恚不樂面少光澤飲食無

味除下藏風冷治帶下三十六疾崩中漏

五色子宮久冷無子及數墮胎或因產勞損
衝任血氣虛羸肌瘦嗜卧久服補暖元藏潤
澤肌膚長髮去野除頭風令人有子

麥門冬

去心焙

人參

去蘆

石膏

研熟地黃酒酒

柏子仁

微炒

石斛

去根各

蕪荑

炒半

艾葉

炒七

鍾乳粉

參

肉桂

去麤

細辛

去苗壹本

山藥

壹本壹兩

川當歸

去蘆炒

○壹本

牛

膝

去蘆酒浸壹宿

○藁本

甘草

炙微赤

○壹本

錢半

川芎

壹本一兩

白芷

各壹兩

○

壹木壹兩

貳錢半管見大令良方

防風

去蘆及

又壹

兩七錢半

山茱萸

壹兩貳錢半

澤蘭

去大梗貳

兩二錢半

右爲末煉蜜和圓如梧桐子大每服三十

圓至五十圓溫酒或米飲下空心食前日

二服

人參荆芥散治婦人血風勞氣

御藥院方作氣滯醫方大

或作

身軀疼痛頭昏目澁心怔煩倦寒熱盜

汗頰赤口乾痰嗽胃滿精神不爽或月水不

調臍腹痛炫

一本作

癩塊硬疼痛發歇或時

嘔逆飲食不進或因產將理失節淹延瘦瘁
乍起乍臥甚即著狀

酸棗仁微炒○管見大肉桂去蘆皮○良

效方人參去蘆柴胡去苗羚羊角鑄○良方鑄

龍甲醋浸去裙炙黃○枳殼去穢炒生地黄

乾荆芥穗各七兩半○院方各壹白朮兩半得効方各七錢半

防風去苗及義牡丹皮赤芍藥婦人大全良

類鈐方無牡甘草剉當歸去蘆芎藭各五兩

丹皮赤芍藥各壹兩得効方各半兩

右為麓末每服三錢簡易方四錢水壹盞

半大成薑三片煎七分壹木及諸熱服不

拘時醫方集成有北經驗日二服常服徐

壹切風虛勞冷宿病有孕不宜服

牡丹煎散治婦人衝任本虛小腹挾寒或因

產勞損子臟風寒搏於血氣結坐痕聚塊硬

發歇臍腹刺痛脇助緊脹腰膝疼重拘攣腫

滿背項彊急手足麻痺或月水不調或瘀滯

滿閉或崩漏帶下小腹冷痛寒熱盜汗四肢

疼痛面色萎黃多生野黴羸乏少力心多驚悸不欲飲食

牡丹皮

附子

炮去皮牛膝

去苗酒浸五味

去苗酒浸

子人參

去蘆藁本

去上續斷

細白茯苓

管見人全

良方肉桂

去蘆皮○良

當歸

去蘆切○

良方酒浸壹

宿白朮

赤芍藥

草薢

炮為末炒熟○

良方去蘆酒浸

壹木香

白芷

乾山藥

澤瀉

各一山

茱萸

良方取肉

乾姜

炮延胡索

縮砂

用仁各

羌活

去蘆龍骨

研小熟乾地黃

良方酒浸

檳榔

各貳

兩石斛

去根三兩

右為末煉蜜和圓如梧桐子大每服二十

圓至三十圓温酒或醋湯下空心食前日

二服妊娠不宜服

椒紅圓治婦人血氣不調腑臟怯弱

醫方大成

南北經方驗袖

珍方臟腑積冷風冷邪氣乘虛客搏臍腹冷

疼脇肋時脹面色痿黃肌體羸瘦怠惰嗜臥

不思飲食常服補虛損暖下藏逐痼冷進飲

食

蓬莪朮

訶梨勒核

煨去

椒紅

微炒出汗

當歸

去蘆

微炒一

附子

炮去皮臍

沉香

白朮

各壹兩

高良

薑

去蘆壹本

肉豆蔻

仁○壹本炮

丁香

各半兩

麝

香

壹分別研

右為末入麝香勻酒煮麵糊圓如梧桐子

大每服參十圓用溫酒下空心食前

熟乾地黃散治婦人勞傷血氣臟腑虛損風

冷邪氣乘虛客搏肢體煩痛頭目昏重心多

驚悸寒熱盜汗羸瘦少力飲食不進

丹參

去蘆

防風

去蘆

當歸

去蘆

細

辛

去蘆

芎藭

各半兩

附子

炮去皮臍

黃耆

分

肉桂

去皮

茯苓

自者去皮

人參

去蘆

乾地黃

酒酒蒸焙

右為麤散每服四錢水一盞半入生薑半

分棗叁枚擘破煎至壹盞濾去滓食前溫

服

壹本無附子黃耆

安息活血膏

管見大全良方名活血丹

治衝任不足下焦

久寒臍腹痛月事不勻或來多不斷或過

期不來或崩中去血或帶下不止而色萎黃
肌肉瘦瘁肢體沉重胃脇脹滿氣力衰乏飲
食減少一切血氣虛寒並宜服之

栝子仁炒 附子炮去 山茱萸去 杜仲去 皮剉

炒 延胡索 虎杖 吳茱萸湯洗七次 安

息香搗碎入好酒同研澄濾去 桃仁去皮

炒 川當歸去 木香各二 洋蘭葉黃者去

牡丹皮去 肉桂去 乾薑炮 艾葉炒各二

肉蓯蓉酒浸 厚朴去 薑皮姜汁炙

右為末以前安息香膏入白麵同煮作糊

和圓如梧桐子大每服三十圓食前溫酒

下醋湯亦得

吳茱萸湯治婦人藏氣本虛宿挾風冷胃膈

滿痛腹脇疔刺嘔吐惡心飲食減少身面虛

浮惡寒戰慄或泄痢不止少氣羸困及因而

生產藏氣暴虛邪冷內勝宿疾轉甚○醫方

大成治女人素虛又為風冷乘氣停滯腹脇

刺痛醫方集成南北經

桔梗

去苗 防風

去苗

當歸

去苗

乾姜

炮

細辛

去苗 甘草

炙各半兩

熟乾地黃

三分

吳茱萸

湯洗七次

微炒

以

二兩

右為麤末每服參錢水壹盞煎八分去滓

空心熱服

醫方類聚卷之二百一十